
**STICHTING
STELLINGWARVER SCHRIEVERSRONTE**

MEULEHOEVE, Bongheer 1, Oosterwolde

POSTADRES: Postbusse 138, 8430AC Oosterwolde

TILL. 05160-4533

Elkenien

Ienakter

Schriever: Pieter van Diest

Bewarking: Knillis / Klaas Hofstra



W. Hofstra
KNILLIS.

0.7.1
0.0.5

E L K E N I E N

De Spiegel veur de Zaolighied van Elkenien
of
Hoe as elk meenske rekenschap ofleggen moet

van
Pieter van Diest

vertaeld en bewarkt
deur

STEMME (kan ok DE DOOD wezen)

Veur elkenien van oons komt iens de dag, dat hi'j rekerfchop
en veraantwoording ofleggen moeten zal van zien eerdse leven.
Oons eerds bestaon en oonse bezittings bin ommers mar liend.
Een aekelige dag, waarop wi'j ofscheid nemen moeten van al et
eerdse waor as wi'j oons an hecht hebben. Een dag waarop al die
eerdse dingen, femilie, vranden, riekdom, mar ok kraacht,
schoonhied en verstaand, oons in de steek laoten zullen,
en wi'j allieud nog hulpen wodden kunnen deur oonze deugd,
de eigenschop die op eerde et meenste ommedaenken geven wodt.

DE DOOD (allienig stemme)

Ik kiekte zo es op de eerde daele en zie dat meenske zo onver- 1
staandig is om zonder wreze te leven. Ok zie'k dat de meenske
zo verbliend is deur zien zunden, dat hi'j mi'j niet meer kennen
wil. Hi'j is zo verzet op zien eerdse bezittings, dat hi'j mi'j
vergeten is. Oh, hoogmoed, hebzocht en ofgeunst, wat bi'j'm d'r 10
op de wereld op veuruutgaon. Elkenien leeft zörgeloos. Mar ze
weten vandaege niet wat morgen brengen zal. Ik krieg in de gaten, 20
dat hoe meer as ik meenske speer , hoe arger et wodt.
Dat daorum wil ik now rekenschop hebben van Elkenien. Waant as
ik disse wereld zo deur gaon laot, wodt meenske nog arger as
de biesten en zollen ze mekere nog opeten. 29
Dat ik zal naor Elkenien toe gaon en him vertellen, dat hi'j 50
een tocht maeken moet waarvan gieniene teroggekومت, en dat hi'j
bi'j mi'j rekenschop ofleggen moet, zonder uut- of ofstel.
Ik zal naor de eerde gaon en daor mien gezag gelden laoten.
(op, in himzels) Ha, daor komt Elkenien krek an. Hi'j het niks 60
in 'e gaten. Oh, Elkenien, alles waj' zo vaaste in 'e hanen
dochten te hebben bi'j doukies kwiet.
(tot ELKENIEN) Elkenien, waor zuj' henne, zo netties in 'e 70
kieren? Bi'j' mi'j al vergeten?

ELKENIEN

Vergeten? Waorum vraog ie dat?

DE DOOD

Dat za'k je zo vertellen. Luuster. Ik bin naor je toe kommen.

ELKENIEN

Naor mi'j toe kommen?